

Guangjisi Minzcu Bau

ganhhau: CN45-0036 B.2018 Nd.10 Ng.17 liggaueq fouhswt nienz ndwengouj cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3345期

Yungzsuij Cauhmoq Vunqsik Dajcauh Hwngfat Lijyouz Aenmbanj Daegsaek Minzcu Vunznoix 融水创新模式打造少数民族特色村寨旅游发展

Geij bi neix daeuj, Yungzsuij Myauzcu Swciyen gig yawjnaek bauj-hoh caeuq hwngfat aenmbanj daegsaek minzcu vunznoix, cungfaen fatok gij cozyung cawjdoengh lijyouzyez youq swncienz vwnzva minzcu, cau h dei-hueng daegsaek, hwngfat gizdieg ginghci daengj fuengmienh haenx, haengrengz hwngfat "lijyouz + X" hwngfat vunqsik.

It dwg yungh "lijyouz + nungzyez yienghmoq" vunqsik. Haengrengz hwngfat vatcimh yiengh gingjsaek swhyienz, yiengh daejniemh nungzyez, yiengh gvaq ngoenzgyaj youqndwi daengj gij vunqsik youqndwi nungzyez daihneix, bangfuz hwnjguh buek mbanj yawjngonz minzsuz, mbanj gvaq ngoenzgyaj youqndwi, suen yawjngonz

mbaetsou daengj ndeu, cugyamq guh-baenz youzcet henz singz daejniemh nungzyahloz, youzcet daegsaek laj-mbanj, youzcet nungzyez gohbuj gyauyuz daengj gij gwzgez lijyouz youqndwi nungzyez yienghmoq.

Ngeih yungh "lijyouz + daejniemh vwnzva" vunqsik. Cinghab gij sw-yenz, yinzvwnz, lizsij swhyienz dieg guenleix, cungfaen dwk ndei lizsij yinzvwnz, vwnzva minzcu "song mbaw baiz", laeb ndei lijyouz canjnieb dihi, gyavaiq lijyouz cienjhingz swnggaep, dajcauh daejniemh vwnzva lijyouz vunqsik moq.

Sam dwg yungh "lijyouz + minzsuz lajmbanj" vunqsik. Hopheux gij moeg-biu hwnjguh dieg guhyienh lijyouz lajmbanj daengx guek, hableix yungh

minzsuz, aenmbanj gaeuq, dajcauh gij lijyouz gingdiemj miz lizsij ndaejgeiq, gizdieg daegsaek, minzsuz daegsaek, hawj bauxhek ndaej habhoz.

Seiq dwg yungh "lijyouz + diyyuz lienhdang" vunqsik. Hopheux gij moegbiu dajcauh daengxcungq bek-singq lienhdang, doenggvaq ciepbanh mbanj daihgingz diyyuz doxdax, banh mbanj diyyuz doxdax hozdung bonjdieg daegbied gagmiz haenx, binaengz banh ciet aenvenz • max doxdik Yungzsuij, haiguh max doxdik, roeg doxdax, gaeq doxdax doxdax, "dwk doengznienz", daejniemh "hing bya, ngaizbakranz", seizcou youzcet Mbanjmyauz daengj hozdung, gaenxmaenx gungganq diyyuz lijyouz diemjrongh moq.

(Cinz Cunghdwz)



Lungzswng: Haeuxcidhom Mbanjdung Ndaej Fungsou

龙胜:侗寨香禾糯喜丰收

Ndwen 10 ngoenz 11, vunzmbanj Lungzswng Gak Cuz Swciyen Bingzdwngj Cin Mbanjgyangnanz Mbanjdung cingq youq ndaw naz daet haeuxcidhom. Cietheiq seizcou, haeuxcidhom diegbya sang aen yienh neix baenz sou lo, beixnuengx Duncuz gaemdawz ngoenz ndit ndei, yungh gij fuengsik conzungj daet haeux, rap haeux, dak haeux, ndaw Mbanjdung diegdieg dwg gij yiengh fungsou.

(Vangz Yungjdanh/黄勇丹 ingj)

Denhdwngj: Lajmbanj Denswj Sanghvu Hwngfat Ndei

天等:乡村电子商务发展势头好

Geij bi neix daeuj, Denhdwngj Yen gaenxmaenx leihyungh ginghdung, suhningz yigou daengj densangh bingzdaiz, dazyinx canghseng'eiq caeuq bouxguhnaz haiguh youq gwnz muengx guh gaicawx, caemhcai cujiz giyez caeuq hozcozse doengzcaezyeobguh aen lenzmungz densangh doxgaiq reihnaz, mboujdan bangcoh densangh giyez ndaej huq lai, youh gya'gvangq diuzroen gai doxgaiq reihnaz. Bineix ndwen 1 daengz ndwen 8, daengx yienh guhsat gwnz muengx gaicawx 1800 lai fanh maenz.

Vih riengjvaiq doicaenh hong denswj sanghvu, Denhdwngj laebbaenz aen siujcu lingjdauj guhhong denswj sanghvu haeuj lajmbanj, gaenxmaenx doicaenh hong hwnjguh aen bingzdaiz

dijhi aen yienh guhyienh denswj sanghvu haeuj lajmbanj, haengrengz haeujcoengh aen bingzdaiz lajmbanj youzlozgo youzcwng gunghsw, aen bingzdaiz Cungguek yinzsou leih ndwenngoenz caeuq aen bingzdaiz Aen Gunghsw Gyahloz Swnghdai Denhdwngj Yen daengj densangh giyez seizneix miz haenx gyalai yezvu, seizneix gaenq hwnjguh sat 13 aen yanghcin muengxdiemj fugsah caeuq 124 aen cunh gaep dieg doxgap densangh.

Vih hawj gyoengq bouxhek moek-unq cawx doxgaiq, Denhdwngj Yen cungdenj hwnjguh doxgaiq reihnaz biucinjvaq, seizneix gaenq cucwz bin-baiz biuhauh 15 aen, doengzseiz, hwnj-laub doxgaiq reihnaz caetliengh ancienz

ragoek hidungj, seizneix gaenq miz 2 aen giyez sawqdiemj hwnjguh doxgaiq reihnaz caetliengh ancienz ragoek hidungj, Denhdwngj lwgmanhdingj-mbwn, dangzrwi, mbawcaz, duh-ndaem daengj 10 lai cungj doxgaiq saedyienh gwnz muengx siugai, ndaej vunzlai haenh.

Vih baujmaenh diuzroen gai doxgaiq reihnaz ndaej doeng, aen yienh neix mboujduenh laebndei vuzliuz dihi, daengx yienh gaenq miz 15 aen gunghsw vaiqsoengq, 51 aen vuzliuz boiqsoengq giyez, Denhdwngj youzcwng vuzliuz seizneix gaenq laeb miz aen cungsim boiqsoengq aencang vuzliuz denswj sanghvu, youq 106 aen hingz-cwngcunh laeb 106 aen diemj lajmbanj youzlozgo.

(Vangz Lilanz)

SIUSIK DINJ

简讯

● Ndwen 10 ngoenz 11, Sihlinz Yen banh bi 2018 Gvangsijh ndawbiengz cujiz (giyez) bangrengz Sihlinz Yen vut gungz gunggeng giensoengq hozdung, sou ndaej Gvangsijh ndawbiengz cujiz(giyez) cienz bang-gungz giensoengq simndei 112 fanh maenz, rengzrdw bangdoi hong vut gungz duet mauh gunggeng aen yienh neix bineix.

(Vangz Yenginz)

● Lozcwngz Mulajcu Swciyen gaenxmaenx doi-caenh canjnieb cienjhingz swnggaep, haengrengz hwngfat canjnieb laeuj raemx. Bineix sam aen geiqdoh gonq, daengx yienh guhsat gveihmoz doxhwnj gunghyez cungcanjiz 12.44 ik maenz, doengzbeij gyalai 25.28% . Ndawde, laeuj, raemx saedyienh gunghyez cungcanjiz 8.57 ik maenz, ciemq 68.9% daengx yienh gveihmoz doxhwnj gunghyez cungcanjiz.

(Veiz Yuzdai)

● Ndwen 10 ngoenz 13, Laizbinh Si Hinghbinh Gih Cizdung Yang Sedou Cunh banh ciet gingq bouxlaux gaiq daihbet lienzvuen. Cingj 280 boux bouxlaux gwn ngaiz, gingq caz gingq laeuj hawj bouxlaux, caemhcai fat cienz nailaux caeuq soengq gij huqlaex ngoenz-ciet hawj bouxlaux, hawj gyoengq bouxlaux roxnyinh bannomj gvansim gyaemaij gyoengqde.

(Veiz Yungzmingz)

● Vih caenh'itbough gaijndei lajmbanj gyaudoeng giekdaj sezsih diuzgienh, doicaenh haiguh hong vut gungz gunggeng, bineix Cungzcoj Si Gyanghcouh Gih Gyanghcouh Cin Dangjvej Cwngfuj gaenxmaenx yieqg bouhmonz gaep baihgwnz ceng'aeu cinjing bang-gungz coihguh dajdongj roen hanghmoeg. Seizneix, aen cin neix gungh miz 8 diuz roen banggungz cingq coih, leih daengz Baujanh, Nazmwj, Mbanjbei, Nazcinh, Luzliuz daengj cunh.

(Vwnz Sih)